



Broj: 01-50-1-15-62/18

Sarajevo, 5. 7. 2018.

DOM NARODA
PARLAMENTARNE SKUPŠTINE
BOSNE I HERCEGOVINE

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 10-07-2018			
Organizaciona jedinica	Klasifikaciona oznaka	Redni broj	Broj priloga

B

Predmet: O b a v j e š t e n j e

Predstavnički dom Parlamentarne skupštine BiH je na 62. sjednici, održanoj 31. 5, 20. 6. i 5. 7. 2018, razmatrao sljedeće tačke dnevnog reda:

1. Zahtjev poslanika Mladena Bosića, Aleksandre Pandurević, Nenada Lalića i Momčila Novakovića za razmatranje Prijedloga zakona o izmjenama Zakona o Javnom radio – televizijskom sistemu Bosne i Hercegovine po hitnom zakonodavnom postupku, u skladu s članom 133. Poslovnika, broj: 01-02-1-1291/18 od 28. 5. 2018;
2. Zahtjev poslanika Mladena Bosića, Aleksandre Pandurević, Nenada Lalića i Momčila Novakovića za razmatranje Prijedloga zakona o izmjenama Zakona o Javnom radio – televizijskom servisu Bosne i Hercegovine po hitnom zakonodavnom postupku, u skladu s članom 133. Poslovnika, broj: 01-02-1-1292/18 od 28. 5. 2018;
3. Izjašnjavanje Predstavničkog doma za utvrđivanje novog roka za dostavljanje Izvještaja o Prijedlogu zakona o izmjenama i dopunama Zakona o upravnim sporovima BiH, predlažač: Vijeće ministara BiH, zakon broj: 01,02-02-1-697/18 od 7. 3. 2018. (drugo čitanje);
4. Izvještaj komisije Kolegija o nastojanju za postizanje saglasnosti o Prijedlogu zakona o dopunama Okvirnog zakona o visokom obrazovanju u BiH, predlažač: poslanik Mirsad Đonlagić, zakon broj: 01-02-1-762/18 od 16. 3. 2018. (zakon u prvom čitanju);
5. Prijedlog zakona o dopuni Zakona o plaćama i naknadama u institucijama Bosne i Hercegovine, predlažač: poslanica Maja Gasal-Vražalica, broj: 01-02-1-1189/18 od 15. 5. 2018. (prvo čitanje);
6. Izvještaj Evropske komisije o Bosni i Hercegovini za 2018. godinu, broj: 01,02-06-1004/18 od 18. 4. 2018. i broj: 01-50-1-1021/18 od 24. 4. 2018;
7. Izvještaj o radu Upravnog odbora Izvozno-kreditne agencije BiH za 2017. godinu, broj: 01,02-50-19-874/18 od 3. 4. 2018;
8. Izvještaj komisije Kolegija o nastojanju za postizanje saglasnosti o prijedlogu zaključka poslanika Amira Fazlića koji glasi: „Predstavnički dom Parlamentarne skupštine BiH predlaže Domu naroda Parlamentarne skupštine BiH da Zakon o izmjenama i dopunama Zakona o krivičnom postupku, predlažača poslanika Amira Fazlića (zakon broj: 01-02-1-668/18 od 5. 3. 2018), razmatra po hitnom zakonodavnom postupku“, akt broj: 01-02-1-668/18 od 18. 5. 2018;

9. Izvještaj o radu Agencije za prevenciju korupcije i koordinaciju borbe protiv korupcije za period 1. 1 – 31. 12. 2017, broj: 05/8-04-785/18 od 20. 3. 2018;
10. Drugi izvještaj monitoringa provođenja Strategije za borbu protiv korupcije 2015 – 2019. i Akcionog plana za provođenje Strategije za borbu protiv korupcije 2015 – 2019, za period maj 2015 – decembar 2017, podnosilac: Agencija za prevenciju korupcije i koordinaciju borbe protiv korupcije, broj: 05/8-04-601/18 od 26. 2. 2018;
11. Izvještaj o provođenju zakona iz nadležnosti Centralne izborne komisije BiH u 2017. godini, podnosilac: Centralna izborna komisija BiH, broj: 01,02-50-19-1190/18 od 15. 5. 2018;
12. Dopuna informacije o realizaciji zaključaka s 45. sjednice Predstavničkog doma Parlamentarne skupštine BiH, materijal Uprave za indirektno oporezivanje BiH, broj: 01/3-50-3-3-21/17, veza: 01-50-1-15-45/17 od 19. 3. 2018;
13. Informacija o projektu PRO-Budućnost i Platformi za mir, podnosilac: Ministarstvo za ljudska prava i izbjeglice BiH, broj: 01,02-37-1671/17 od 11. 7. 2017. (odgođeno izjašnjavanje na 61. sjednici Doma, održanoj 17. 5. 2018);
14. Informacija o provođenju Plana hitnih mjera i realiziranju aktivnosti vezanih za migrantsku krizu, predlagači tačke: Borjana Krišto, Nikola Lovrinović i Predrag Kožul, broj: 01-50-1-1315/18 od 30. 5. 2018;
15. Izvještaj o razlozima neprimanja Agencije za razvoj visokog obrazovanja i osiguravanje kvaliteta BiH u punopravno članstvo Evropske organizacije za osiguravanje kvaliteta u visokom obrazovanju (ENQA), s konkretnim prijedlogom mjera za otklanjanje uočenih slabosti, podnosilac: Vijeće ministara BiH (realizacija poslaničke inicijative Salka Sokolovića, usvojene na 55. sjednici Predstavničkog doma, održanoj 21. 12. 2017, 17. 1. i 31. 1. 2018), akt broj: 01-50-1-2527-1/17 od 30. 3. 2018;
16. Informacija o aktuelnoj poziciji, ocjeni spremnosti i sposobnosti Centralne izborne komisije BiH (CIKBiH) da organizira i provede fer izbore u oktobru 2018. godine, predlagači tačke: Senad Šepić, Hanka Vajzović, Jasmin Emrić i Zaim Backović (broj: 01-50-1-997/18 od 20. 4. 2018);
17. Rasprava o radu, aktivnostima i postupcima CIK-a BiH u svjetlu predstojećih općih izbora i potrebe da budu organizirani u fer i poštenoj atmosferi, predlagači tačke: poslanici Damir Arnaut i Saša Magazinović (broj: 01-50-1-999/18 od 20. 4. 2018);
18. Preporuke za reformu energetskog sektora, predlagači tačke: poslanici Momčilo Novaković, Hanka Vajzović, Saša Magazinović, Predrag Kožul, Mirsad Isaković, Lazar Prodanović i Jasmin Emrić, materijal broj: 01-28-1300/18 od 29.5.2018.

Ad. 1.

Predstavnički dom *nije usvojio* Zahtjev poslanika Mladena Bosića, Aleksandre Pandurević, Nenada Lalića i Momčila Novakovića za razmatranje Prijedloga zakona o izmjenama Zakona o Javnom radio-televizijskom sistemu Bosne i Hercegovine po hitnom zakonodavnom

postupku, u skladu s članom 133. Poslovnika. Dom *nije prihvatio* da se Prijedlog zakona razmatra u skladu s odredbama kojima se regulira skraćeni postupak, te će se on razmatrati u skladu s odredbama kojima je reguliran *redovni zakonodavni postupak*.

Ad. 2.

Predstavnički dom *nije usvojio* Zahtjev poslanika Mladena Bosića, Aleksandre Pandurević, Nenada Lalića i Momčila Novakovića za razmatranje Prijedloga zakona o izmjenama Zakona o Javnom radio-televizijskom servisu Bosne i Hercegovine po hitnom zakonodavnom postupku, u skladu s članom 133. Poslovnika. Dom *nije prihvatio* da se Prijedlog zakona razmatra u skladu s odredbama kojima se regulira skraćeni postupak, te će se on razmatrati u skladu s odredbama kojima je reguliran *redovni zakonodavni postupak*.

Ad. 3.

Predstavnički dom je, u skladu s članom 120. stav (6) Poslovnika, odredio *novi rok od 20 dana* za dostavu Izvještaja o Prijedlogu zakona o izmjenama i dopunama Zakona o upravnim sporovima BiH.

Ad. 4.

Predstavnički dom, u drugom krugu glasanja, *odbio je* Prijedlog zakona o dopunama Okvirnog zakona o visokom obrazovanju u BiH, predlagača poslanika Mirsada Đonlagića.

Ad. 5.

Predstavnički dom *usvojio je u prvom čitanju* Prijedlog zakona o dopuni Zakona o plaćama i naknadama u institucijama Bosne i Hercegovine, predlagača poslanice Maje Gasal-Vražalice.

Ad. 6.

Predstavnički dom je, povodom rasprave o Izvještaju Evropske komisije o Bosni i Hercegovini za 2018. godinu, *usvojio* sljedeće zaključke:

1. „Predstavnički dom PSBiH obavezuje Vijeće ministara BiH da u roku od 30 dana izradi Program mjera i Plan za realizaciju, kojima treba poboljšati stanje u oblastima za koje se u Izvještaju o BiH za 2018. godinu konstatira da u BiH nije ostvaren napredak ili je napredak u ranoj fazi, kao i poboljšati stanje u oblastima u kojima je konstatiran određen napredak, kako bi naredni izvještaj bio puno pozitivniji od ovog iz 2018. godine.

2. Vijeće ministara BiH će u roku od 30 dana izraditi Akcioni plan za provođenje preporuka sadržanih u Privremenom izvještaju Evropske komisije za BiH za 2018.
3. Predstavnički dom poziva Vijeće ministara BiH i druge nadležne institucije da putem uspostavljenih tijela mehanizma koordinacije pokrenu izradu programa integriranja BiH u Evropsku uniju.“¹

Ad. 7.

Predstavnički dom *nije usvojio* Izvještaj o radu Upravnog odbora Izvozno-kreditne agencije BiH za 2017. godinu, kao ni Plan poslovanja Izvozno-kreditne agencije BiH za 2018. godinu.

Ad. 8.

Predstavnički dom je, u drugom krugu glasanja, *usvojio* prijedlog zaključka poslanika Amira Fazlića koji glasi: „Predstavnički dom Parlamentarne skupštine BiH predlaže Domu naroda Parlamentarne skupštine BiH da Zakon o izmjenama i dopunama Zakona o krivičnom postupku, predlagača poslanika Amira Fazlića (zakon broj: 01-02-1-668/18 od 5. 3. 2018), razmatra po hitnom zakonodavnom postupku“.

Ad. 9.

Predstavnički dom je, povodom rasprave o Izvještaju o radu Agencije za prevenciju korupcije i koordinaciju borbe protiv korupcije za period 1. 1 – 31. 12. 2017, na prijedlog poslanice Mense Beganović, *usvojio* zaključak koji glasi: „Snažnije uključiti privatni sektor u sistem prevencije korupcije (dodati u zaključke na kraju Izvještaja za 2017. godinu).“

Kolegij Predstavničkog doma *obavit će naknadno usaglašavanje* o Izvještaju o radu Agencije za prevenciju korupcije i koordinaciju borbe protiv korupcije za period 1. 1 – 31. 12. 2017.

Ad. 10.

Kolegij Predstavničkog doma *obavit će naknadno usaglašavanje* o Drugom izvještaju monitoringa provođenja Strategije za borbu protiv korupcije 2015 – 2019. i Akcionog plana za provođenje Strategije za borbu protiv korupcije 2015 – 2019, za period maj 2015 – decembar 2017, čiji je podnosilac Agencija za prevenciju korupcije i koordinaciju borbe protiv korupcije.

¹ Prvi zaključak usvojen je na prijedlog poslanika Senada Šepića, a drugi i treći zaključak na prijedlog poslanice Nermine Kapetanović.

Ad. 11.

Predstavnički dom je, povodom rasprave o Izvještaju o provođenju zakona iz nadležnosti Centralne izborne komisije BiH u 2017. godini, a na prijedlog poslanika Zaima Backovića, **usvojio** sljedeće zaključke:

1. „Zadužuje se Centralna izborna komisija BiH da svojim podzakonskim aktom propiše da se na biračkom mjestu na kojem se utvrdi da je više od 5% nevažećih glasačkih listića izbori ponavljaju.
2. Zadužuje se Centralna izborna komisija BiH da svojim podzakonskim aktom propiše da se prebrojavanje glasova na biračkim mjestima obavlja u prostorijama u kojima postoji videonadzor.“

Kolegij Predstavničkog doma **obavit će naknadno usaglašavanje** o Izvještaju o provođenju zakona iz nadležnosti Centralne izborne komisije BiH u 2017. godini, čiji je podnosilac Centralna izborna komisije BiH.

Ad. 12.

Predstavnički dom **obavit će naknadno usaglašavanje** o Dopuni informacije o realizaciji zaključaka s 45. sjednice Predstavničkog doma Parlamentarne skupštine BiH, materijal Uprave za indirektno oporezivanje BiH, broj: 01/3-50-3-3-21/17, veza: 01-50-1-15-45/17 od 19. 3. 2018.

Ad. 13.

Predstavnički dom **usvojio je** Platformu za mir, čiji je podnosilac Ministarstvo za ljudska prava i izbjeglice BiH.

Ad. 14.

Predstavnički dom je, povodom rasprave o Informaciji o provođenju Plana hitnih mjera i realiziranju aktivnosti vezanih za migrantsku krizu, **usvojio** sljedeće zaključke:

1. „Predstavnički dom Parlamentarne skupštine BiH obavezuje Vijeće ministara BiH da odmah, u saradnji s nadležnim nivoima vlasti u BiH, utvrdi državni odgovor, plan i mjere za cjelovitu i sveobuhvatnu akciju rješavanja i upravljanja migrantskom krizom u BiH, te da o mjerama i planovima upozna Parlament i javnost u narednih sedam dana.

2. Predstavnički dom PSBiH traži od Vijeća ministara BiH da za svaku sjednicu Doma dostavi aktueliziran materijal o temi: Plan mjera i njihova realizacija u vezi s migrantskom krizom u BiH.
3. Predstavnički dom PSBiH zadužuje Instituciju ombudsmena za ljudska prava BiH da izradi specijalni izvještaj o migraciji u BiH u što kraćem vremenskom roku.“²

Kolegij Predstavničkog doma **obavit će naknadno usaglašavanje** o prijedlogu zaključka poslanika Jasmina Emrića.

Ad. 15.

Kolegij Predstavničkog doma **obavit će naknadno usaglašavanje** o zaključcima koje je u raspravi o Izvještaju o razlozima neprimanja Agencije za razvoj visokog obrazovanja i osiguravanje kvaliteta BiH u punopravno članstvo Evropske organizacije za osiguravanje kvaliteta u visokom obrazovanju (ENQA), s konkretnim prijedlogom mjera za otklanjanje uočenih slabosti, predložio poslanik Salko Sokolović.

Predstavnički dom **nije usvojio** Izvještaj o razlozima neprimanja Agencije za razvoj visokog obrazovanja i osiguravanje kvaliteta BiH u punopravno članstvo Evropske organizacije za osiguravanje kvaliteta u visokom obrazovanju (ENQA), s konkretnim prijedlogom mjera za otklanjanje uočenih slabosti, čiji je podnosilac Vijeće ministara BiH.

Ad. 16. i 17.

Predstavnički dom objedinio je raspravu o tačkama:

- Informacija o aktuelnoj poziciji, ocjeni spremnosti i sposobnosti Centralne izborne komisije BiH (CIKBiH) da organizira i provede fer izbore u oktobru 2018. godine, predlagači tačke: Senad Šepić, Hanka Vajzović, Jasmin Emrić i Zaim Backović (broj: 01-50-1-997/18 od 20. 4. 2018) i
- Rasprava o radu, aktivnostima i postupcima CIK-a BiH u svjetlu predstojećih općih izbora i potrebe da budu organizirani u fer i poštenoj atmosferi, predlagači tačke: poslanici Damir Arnaut i Saša Magazinović (broj: 01-50-1-999/18 od 20. 4. 2018).

Povodom rasprave o navedenim tačkama, **Dom je usvojio zaključke** koji glase:

1. „Predstavnički dom Parlamentarne skupštine BiH traži od Doma naroda Parlamentarne skupštine BiH da hitno okonča proceduru usvajanja Izbornog zakona BiH kojim se predviđa uvođenje skenera na biračka mjesta.

² Prvi zaključak usvojen je na prijedlog poslanika Senada Šepića, drugi na prijedlog poslanika Momčila Novakovića, a treći na prijedlog poslanice Maje Gasal -Vražalice.

2. Zadužuje se Vijeće ministara BiH da formira Akcioni tim sa zadatkom da preduprijedi i suzbije sve eventualne izborne nepravilnosti i zloupotrebe nakon raspisivanja Općih izbora 2018. godine, te inicira istrage u slučajevima kršenja zakonodavstva. U ovaj akcioni tim potrebno je uključiti predstavnike Tužilaštva BiH, Centralne izborne komisije BiH, Državne agencije za istrage i zaštitu BiH, Obavještajno-sigurnosne agencije BiH i nevladinog sektora (organizacija koje se bave izborima).
3. Predstavnički dom PSBiH traži od CIK-a BiH da odmah akreditira posmatrače ovjerenih političkih subjekata i omogući im da u potpunosti prate i kontroliraju proces štampanja i distribucije glasačkih listića, kao i uništavanja matičnih ploča, a sve sa svrhom sprečavanja izbornih krađa.“³

Ad. 18.

Predstavnički dom **usvojio je** Preporuke za reformu energetskeg sektora (predlagači tačke: poslanici Momčilo Novaković, Hanka Vajzović, Saša Magazinović, Predrag Kožul, Mirsad Isaković, Lazar Prodanović i Jasmin Emrić).



³ Prvi zaključak usvojen je na prijedlog poslanika Senada Šepića, a drugi i treći na prijedlog poslanice Aleksandre Pandurević.

